

ÁRSSKÝRSLA 1992

1. VEDURFAR.

A Vesturlandi var árið fremur hagstætt í heild sinni, og sennilega hlutfallslega betra en í flestum öðrum landshlutum.

Veturinn var snjóléttur og mildur og ekki mikill klaki í jörðu. Einkum var janúar hlýr, eða nærri þremur gráðum yfir meðallagi Engin sérstök stórvíðri komu.

Vorið var í meðallagi hlýtt en úrkoma í maí sennilega nálægt um 50% umfram meðallag.

Sumarið var í Borgarfirði fremur hagstætt, nema hvað tvö hvassvíðri reyttu lauf af öspum og skemmdu, og hafa þær líklega verið illa undir veturinn búna. Fyrri veðrið var um miðjan júní, og fylgdi því kuldaheit um jónsmessuna. Seinna veðrið gerði í ágústlok, norðan þal, sem stóð í marga daga.

Haustið var hlýrra en í meðalári. Úrkoma var í minna lagi í október en yfir meðallagi í nóvember.

Engin hefti af Veðráttunni 1992 eru komin út þegar þetta er skrifað. En ég mun síðar fella veðurtölur inn í skýrsluna, þegar þær liggja fyrir.

2. VÖXTUR.

Hæðarvöxtur flestra trjátegunda var ágætur, þegar öspin er undanskilin. Birkiskógurinn dafnaði mjög vel. Áberandi er hvað ófriðuð skóglendi taka vel við sér eftir þá fjárfækkun sem hefur orðið hefur hjá bændum.

Trjáskáðar vou ekki teljandi umfram það, sem áður er sagt. Þó verður að geta þess að sitkalúsin hefur lagt undir sig Snæfellsnes. Gerði hún talsverðan usla í Sauraskógi og í Grensási við Stykkishölm. Hennar varð líka vart við Ólafsvík og í Hofsstaðagirðingu.

3. STARFSFÓLK.

Birgir Hauksson lauk námi við umhverfiseild Garðyrkjuskóla ríkisins í aprillok og hóf þegar störf. "Útgerðin" hófst 25. maí og lauk 5. september. Auk Birgis voru hér 3 piltar og ráðskona þennan tíma. Samtals urðu vinnuvikur lausráðins fólks 64, sem er alltof léleg nýting ráðskonu og aðstöðu. Bráðnaðsynlegt er að ráða einn ársmann, sem gæti unnið með Birgi við grisjun og skógarhögg framan af vetri og síðla vetrar, og reyndar á öðrum tímum þegar viðrar. Nú er einnig ágæt aðstæða í skemmuni til þess að sinna ymiskonar úrvinnslu viðar, velaviðgerðum og viðhaldi.

4. GIRÐINGAR.

Girtur var um 350 metra kafli í landi Laxaborgar, frá þjóðvegi í Haukadalsá. Leyfi hefur fengist til þess að girða meðfram Haukadalsá að sunnanverðu, og með því friðast landið beggja vegna árinna, en meðfram

ánni er mjög skjólsælt. Þessi kafli er 880 metrar, og er búið sletta undir með jarðýtu og bora fyrir aflstaurum, svo að hann verður fljótgirtur. Þá verður að girða norðan árinna 2050 metra. Þetta getur hugsanlega verið rafgirðing.

I haust voru settar upp tvær litlar girðingar í Ketilsstaðalandi í Suðurdalahreppi, samanlagt 4.8 ha. Girðingalengd var 700 m. Fyrirhugað er að gróðursetja þar minningarlund Hákonar Helgasonar.

Þá liggur fyrir að girða í Skógum á Fellsströnd. Eina skilyrði gefandans var það, að mestur hluti landsins neðan Efríbyggðarvegar skyldi fríðaður. Vegagerðin mun leggja fram fjármuni til að girða meðfram þjóðveginum út á Fellsströnd, samtals 3 km á þessu ári og einnig til þess að girða meðfram Efríbyggðarvegi, 1.7 km, en ekki er alveg víst, hvort það geti orðið á þessu ári. Ur þeirri girðingu þarf svo að girða í Staðarfellsgirðinguna, ca. 2.5 km. Þá er ætlunin að ná samkomulagi við eiganda Hellu, sem er næsta jörð fyrir innan Skóga, um að girða í sæmilegar girðinga, sem þar eru fyrir. Takist það, ættu þessar girðingarframkvæmdir að verða nokkuð viðráðanlegar hvað kostnað snertir.

5. SKÓGARHÖGG.

I Jafnaskarðsskógi var talsvert mikið grisjað í Hreðakotsbrekkum, bæði sitkagreni og hvitgreni. Eins og gefur að skilja er mjög bagalegt að hafa ekki amk. einn vanan, fullorðinn mann með Birgi í þessu, því að það er takmarkað gagn, sem hægt er að hafa af unglíngum við þetta.

Jólatré voru hoggvín í Jafnaskarðs- og Norðtunguskógi sem hér segir:

Stærðarflokkur	Rauðgreni	Stafafura
0.70-1.00	29	14
1.01-1.25	39	31
1.26-1.50	31	38
1.51-1.75	22	20
1.76-2.00	23	8
2.01-2.50	1	4
2.50-3.00	0	-
3.01-4.00	1	-
Samtals	146	115

Andvirði trjanna í heildsolu með virðisaukaskatti nam kr. 316.731.-.

6. GRÓÐURSETNING.

Gróðursetning var með minnsta móti af þeim ástæðum, sem áður hefur verið getið. Hún var þessi:

A Hreðavatni:	Rússalerki, Hausjärvi 1/0 Mgls	3.350
	Stafafura, Taraldsoy 1/0 Mgls	200
	Strandaviðir, Norðtungu	220

I Litla-Skarði:	Alaskaösp, Norðtungu	700
I Skógum:	Rússalerki, Hausjárvi 1/0 Mgls	650
	Stafafura, Taraldsöy 1/0 Mgls	670

Samtals voru því einungis gróðursettar 5.790 plöntur.

7. HIRÐING.

Mjög lítið var um hirðingu og áburðargjöf var engin, nema á skjólbelti á Hreðavatni. Varla þarf að taka það fram, að þessu hefur alls ekki verið sinnt sem skyldi vegna fjárskorts. Verkefnin eru nær ótæmandi.

8. BYGGINGAR.

Húsið í Skógum var tekið í gegn, malað innan og utan. Skipt var um gólf í baðherbergi, leki lagfærður og sturtuklefi settur í stað baðkars. Sett voru notuð teppi á flest gólf, notuð húsgögn fengust fyrir lítið og gardinur fyrir ekkert. Er húsið nú hið vistlegasta fyrir utan eldhúsinnréttinguna, sem er leiðinleg. Ekkert hefur verið gert við útihúsin, en þar þarf að moka út skit og taði, sem þar hafa safnast fyrir um nokkurra ára skeið. Næsta umhverfi húsanna þarf að laga og snyrta.

Annað hefur ekki gerst í byggingarmálum á liðnu ári. Braðnaudsynlegt er að rífa gamla fjösið á Hreðavatni, því að það er til skammar eins og það er og engan veginn hægt að gera við það.

Í Þverárhlið eru á döfinni hitaveituf framkvæmdir. Leitt verður heitt vatn á flesta eða alla bæi sveitarinnar frá Helgavatni, sem er næsti bær við Skógarkot. Lögð er áhersla á að sem flestir verði með. Við fyrstu sýn virðist þetta mjög freistandi tilboð og full ástæða til að kanna það mjög gaumgæfilega.

9. VÉLAR OG VERKFÆRI.

Eins og frá var sagt í skýrslu fyrra árs, skemmdist bíllinn talsvert í veltu í desember þ.á. Leitað var tilboða í viðgerð. Lægsta tilboði, kr. 323 þús., var tekið, og tókst það vel til.

Keyptar voru 2 keðjusagir og 1 kjarrsög á árinu. Nú í vetur þarf endilega að kaupa viðarkleyfi, sem gengur fyrir rafmagni.

10. Ýmislegt.

Sá sem þetta ritar varð fyrir því óhappi í sumar að viðbeins- og rifbeinsbrjóta sig nokkuð illa. Fyrir bragðið gat hann ekki ferðast og leiðbeint sem skyldi, en óneitanlega sparadist nokkuð fé með þessu.

P.t. Mógilsá á böndadag 1993.


Haukur Ragnarsson